

Chinese Philatelic Society Monthly

15th. Nov. 1928

Vol.1 No. 1

中華郵票會 郵學月刊

第一號 (號刊創) 卷一第

版權所有 不許轉載

寄售處 上海棋盤街商務印書館

印刷者 義利印刷公司

總發行所 上海北山西路德安里一四三號集古社朱世傑

編輯者 中華郵票會

中華民國十七年十一月十五日發行
中華郵票會郵學月刊第一卷第一號

行三角五分計算	每行廿二字三行起碼計大洋一元三行以上照每	四分之一	每次三元	半年六次	十五元
		半面	每次五元	半年六次	廿四元
		全面	每次八元	半年六次	卅六元
廣告價目					
定價表					
零售 每册大洋一角郵費另加					
全年 十二册大洋一元二角連郵費					
會員定閱 每全年減售一元連郵費					

發 刊 詞

中華郵票會產生。已四年於茲矣。賴郵乘爲之機關雜誌。如驂之靳。如蟹之距。相得而益彰者也。自去歲南京之變。操譯政者梅贊文君赴美。而郵乘受一打擊。自今春周今覺君以商業不振。奔走外埠。無暇專司筆政。而郵乘又受一打擊。於是季刊乃改爲無定期出版物。而外埠會員。與本會聲氣。幾等於隔絕矣。蓋除每年得一冊會員錄之外。其於本會之狀況。絲毫無由得知。長此不改。外埠會員。將漸由凋零而至於絕迹。可以斷言。於是董事會議決。乃有郵學月刊之議。月出一期。除報告會務之外。並於國內外郵界之消息。新書新報之出版。隨時揭載。至關於郵學之論文。譯著。軼事。趣談。其簡短者。亦分期刊登。若云篇鉅製。則仍屬之郵乘。蓋本會機關。以郵乘爲經。而以月刊爲緯也。略舉門類如左。惟以篇幅所限。每一期中。不能各類俱

備耳。

論文 以簡短有趣味者爲主。發抒意見。介紹名理。務儘一期登畢。

名著 或譯或著。皆取其切合於華郵及遠東郵學之需要者。分期刊登。積久可成全書。

郵界消息 分國內國外。其有時效者。皆入本刊。無時效者。則入郵乘。

書報介紹 不獨新出書報。隨時介紹。卽舊日出版之書報。其與研究郵學有重要之關係者。皆摘述其內容。並售價及發行地址。蓋本會屢接多數會員之意見。要求於郵乘增入此欄。故知其爲羣衆心理所渴望者也。

投函及讀者論壇 本刊持設此欄。爲讀者發抒意見之地。惟地位無多。務以簡明爲主。冗長者或擯而不錄。或加以刪節。其於郵學疑義。有質疑問難者。亦匯入此門。

會務 會務報告。約分數門。年會常會之紀事。職員及會員之進退。拍賣中珍品之價值。藏書樓書報之目錄。財政

收支之狀況。

篇幅 本刊爲簡短之小冊。每期至多八面 Pages 至少六面。視材料之多寡而定。

售價 每冊大洋一角。郵費另加。預定全年者。每十二冊大洋一元二角。郵費在內。會員定閱者。每年一元。郵費在內。

優待會員 凡會員定閱本刊全年者。每年贈送告白一次。計三行。每行十一字。但限於徵求買賣郵票性質。其過三行以外者。照定價八折收費。以示優待。

以上爲董事會公議之計畫。經會長周今覺君審定者。主要撰著。仍歸會長擔任。惟會長仍須注全力於郵乘。不能專顧月刊。故外埠有關於月刊事件通信者。請寄南門外俞家街十四號葉頌蕃君。若關於定閱之事者。請逕函北山西路德安里一四三號集古社朱君世傑可也。

與讀者諸君久別重逢

今覺

自郵乘第三卷第一期輟筆後。與會員及愛讀者諸君。不相見以文字者。垂一年矣。此一二年中。在我東亞郵界。殆爲最不幸之時期。以日本而論。則自松本郵朋會誌停刊後。郵便切手協會雜誌。以會長三井高陽赴德。日久乏人主持。亦相繼停版。當此之際。幸有一突起之異軍。稍鼓已衰之士氣者。即大柴峯吉氏所創辦之月刊名「郵便切手」者是也。初發行時。蓬蓬勃勃。其勢若不可遏。乃支持僅及半載。大柴氏忽染痼疾。不獨雜誌停刊。并將其珍藏之和洋郵籍全部斥賣殆盡。以示其與郵界完全脫離。此去年八月間事也。彼時巍然如靈光之獨峙者。僅一郵樂雜誌。吾等方希望該會會長木村梅次郎氏。振敝起衰。獨肩鉅任。乃噩耗傳來。木村氏倏於十一月之頃物化。惡運顛連。至於此極。此吾輩同志。所當同聲悼惜者也。返觀我國郵界。雖惡運不至如此之甚。而所恃爲撐天玉柱之郵乘。乃以環境種種關係。不得不延期出版。不得不改爲無定期出版物。以致本會遍佈環球之光榮。忽受此當頭之

一棒。而會衆亦抑抑無生氣。（尤其是外埠及外國之會員。）今幸董事會決議。有郵學月刊之創立。雖內容不如郵乘之豐美。而每月一期。時間既近。消息較靈。其於廣益集思交換智識之宗旨。庶有合焉。鄙人不學。承推爲撰述主幹。擔任一部份論文。（注意。鄙人僅擔認一部份論文。不担認全部編輯發行諸務。）得借此時機與讀者諸君相見於論壇之上。此則不勝快慰之至者也。爰述數言。以弁卷首。

張作霖紀念票之所聞

寄 閑

張作霖死矣。而其大元帥就職紀念票。尙於郵界中留有歷史之價值。該票全張爲一百枚縱橫各十。有吉黑新疆兩種加蓋。北京財政部印刷局所印。共印六百十二萬枚。內吉黑加蓋票一百十五萬枚。新疆加蓋票三十七萬枚。不加蓋票四百六十萬枚。在北京總局發行者。爲三十八萬枚。此票於去年卽已印就。所以遲至今年三月一日始

發行者。因張之生日爲三月三日之故。但新疆加蓋票。始終並未正式發行。僅於張作霖出走前三日發賣若干。故外間流行者絕少。將來或有漲價之可能也。

此票僅通行於直隸。山東。奉天。吉林。黑龍江。新疆。六省。及綏遠。察哈爾。熱河。三特別區。其寄往南省之信。則不許貼用。偶有貼用者。則直將該信退回原人。若無發信人地址。則作爲欠資信投遞。蓋郵政當局恐觸怒南方政府之心也。然余曾見有數函。自哈爾濱寄滬者。卽貼用此票。并欠資而亦未罰。誠不知其何故也。

朱世傑按。此票無加蓋者。自三月一日在北京發行。于六月十一日停售。新疆因路途遼遠。發行稍遲。於五月二十一日始行出售。九月五日停售。特此附識。

英倫皇家郵會中破天荒之華會員

鑄 秋

英國皇家郵學會最近統計。有會友 Fellow 三百三十九人。會員 Member 一百三十五人。會友中第一名爲

今英皇喬治。第二名爲華里司親王。其資格最老者。爲一八八〇年當選之會友畢格司君。此會在世界各郵學會中。爲最高機關。凡以郵票爲營業者。不得爲會員。凡營業販賣之郵報。亦不能與該會之機關報名 London Philatelist 者交換。郵乘自第二年出版。即經該會審定有交換之資格。去年九月。本會會長周今覺君。復當選爲會員。此實爲華人列入該會破天荒之第一人。亦我國郵界希有之佳話。日本之郵學家。得儕該會會員之列者。亦只木村小島二氏。當二氏被選時。郵樂雜誌上。大書鼓吹。引爲殊榮。亦可見其難能而可貴矣。而我國郵運之崛起。又豈在東鄰之後哉。

出爾反爾

玲 枝

自五元十元廿元票廢止以後。市價之高。有至票面雙倍以上者。乃近日郵局忽聞又重複發行此三種高數值票。於是曩日以高價買入者咸叫苦不迭矣。不獨此也。新疆

五元十元廿元票。又復出現。而限吉黑高數值票。亦發行在即。(滇省或亦將發行)使集郵家懵然無所適從。國家之政令愈亂。則郵局之紛更愈多。南美小邦。中歐新國。其明證也。奈何以堂堂之我國。亦蹈其覆轍耶。噫。

研究華郵之參考西書

查華郵參攷書。已見于周今覺君之華郵圖鑑徵引書目提要。惟因著述體例攸關。未能將各書之發行機關并價值註出。茲因各方面之請求。特將重要各書列表。注明售價。至以上各書發行機關。即英倫代派郵乘之兩大郵學書店也。茲恐閱月刊諸君不及注意。特複載如下。

Harris Publications Ltd. 112 Strand, London, W. C. 2.

F. Hugh Vallancey, 89 Farrington Street, London, E. C. 4.

書目表

Stamp of China, 3/6

Note on the Postage Stamps of China, 1/—

A few Notes on the Imperial Customs Post, by M. Croucher, 1/—

Notes on China by J. C. Harlow, 1/—

A Chat on Chinese Stamps, by C. L. Harte-

Lovelace, 1/—

Notes on Chinese Stamps, by C. L. Harte-

Lovelace, 2/6

(未完)

北平王聘彥君來函摘錄

郵會之宗旨。原在廣益集思。交換郵識。本會自成立迄今將及三年。在此時期內。上海及蘇杭一帶之會員。固可於開會時到會參觀研究。並享交換拍賣等利益。而遠埠及國外之會員。除每年得一會員錄外。似別無所獲。在昔郵乘按期出版。尙可於此窺見會務進行之一斑。今既成爲

無定期刊。則半載以來。不相聞問。未免過於寂寞。似應另編一種簡單刊物。專載會務及郵界新聞。按期報告會衆。(可酌加會費。以補此項用途。)庶足以鼓動興致。維繫人心。

研究郵識。厥有兩途。一與友好共同討論。互相發明。二多閱書籍雜誌。自求進步。外埠會員。既無集會之可能。更惟第二途是賴。今國內郵票書報。除郵乘外。一無可看。則惟有求之於國外。然無人爲之先覺。實苦於欲購無從。引導初梳。既爲本會之職志。似應盡量介紹。以符名實。郵乘雖有介紹新刊之一欄。然語焉不詳。往往僅列譯名及評論。而於實在之購處。獨付缺如。誠如盲人之騎瞎馬。仍在暗中摸索。矧舊刊之足以開通郵識者。爲數尤夥。而國人之所知者。千不獲一。似更應調查刊登。詳列書報原名。發行處所。及其購價。示郵界以選購之途徑。郵乘如不定期出版。則於前條會務報告內刊登之。

吾華郵界之不發達。其主因在於國內無大規模之郵票

公司。及不識逕向歐美購買之途徑。姑置前者於不論。而對於後者。似本會亦應盡提倡之天職。世界各國之郵會及郵商。不知凡幾。國人能知其名者蓋少。（高等集郵家少。而普通集郵家多也。）郵會設於何所。郵商係何名稱。何者最爲可靠。何者屬其專售。似應照前條介紹書報辦法。一一調查報告之。

總之國內集郵事業。極爲幼稚。普通集郵家。爲數尙無多。更何論高等集郵家。本會宗旨。雖以研究專門爲主體。而引導初學。似尤爲當務之急也。

右爲王君來函。其時在郵乘改爲無定期出版物通告發出之後。王君熱心會務。故有此建議。而本月刊之產生。此函亦爲其動機之一。故特披露於此。以示本會抱廣益集思之宗旨。苟有謬論忠言。無不盡量容納也。

會 務 報 告

九月三十日爲本會年會之期。是日午後二時在香港路四號銀行俱樂部開會。中西會員到者三十餘人。首由會長周今覺君報告一年來會務經過情形。次華文書記兼會計員張棣邨君報告十七年份收支賬略。計自十六年九月至本年八月止。入會者華人十八人。西人九人。次英文書記兼拍賣部登記員葉頌蕃君報告拍賣狀況。及收入佣金數目。次藏書部主任袁禮波君報告所藏各國書報目錄畢。即依法投票選舉董事七人。會長暨各職員均照舊。會長提議會中刊發郵學月刊一種。藉與外埠會員通聲氣。月出一次。凡會員定閱。每年收費洋一元。全體贊成。遂付表決。是日共拍賣各種郵票七十號。內中珍品頗多。散會時已五時矣。

會計員報告

十六年九月至十七年八月止

收 項

一收上年舊存洋九十九元一角七分

一收新會員入會費洋二十七元

一收會員會費洋七十五元

一收董事捐助茶資費洋十八元

一收拍賣部用金洋五十五元六角一分五釐

支 項

一支常會茶資洋二十元〇四角

一支添置印字機一架洋一百元暫付五十元

一支郵費洋十七元六角六分

一支印刷費十五元五角交換部用

一支封緘紙費洋八元 付出版部

一支紙張油墨等件洋二十七元二角四分 英文書記用印

刷拍賣目錄等品

一支雜項費洋五元九角五分

一支賞會所茶房洋十八元

以上共支洋一百六十二元七角五分

除付淨存洋一百十二元八角三分五釐

拍賣部緊要通告

查一年來拍賣成績。除九月一日略有佳品出售外。平均成績。在去年之下。溯其原因有二。(一)票主非經屢次催促。絕不肯將票提早送來。而編印目錄之打字印刷手續。非常煩瑣。因之連同開會通告出發。恆在會期前五六日。以致滬杭滬寧一帶外埠會員。雖欲購票。而已不及。(二)每次所拍之票。以普通而雷同者為多數。會員中之集郵家。凡見雷同之品。其價雖廉。亦多不願購入重複之品。又因佳品無多。故到會者漸少。而普通雷同之票。既非集郵家所欲購。其惟一之主顧。不過少數郵商。以最低之價買進。以致拍價低廉。票主不無虧折。則有票欲售者。相率裹足不前。票愈平常。到會者愈少。則售價愈低。票主愈不敢出佳品矣。本會有鑒於斯。乃擬變通辦法二則。於年會時提議。已經通過。(一)凡有票出售者。限每月五號以前送至本部。以便提早編印目錄。發寄隣近外埠會員。(二)凡

作一號之票。價值二十元以上者。如未拍出。會中不扣用金。

交換部變通辦法

本會交換部成立以來。兩載於茲。因礙於環境。勢難實行。現經年會通過。另定變通辦法如下。

凡會員有複品不願交拍賣部出售者。可向交換部購買交換簿。每本大洋五分。將票貼上。書明價值。於每月開會日。自攜到會。當衆直接各自交換。以期慎重。但會中不負責任。亦不取用金。惟不用本會印就之簿者。不得在會中交換。

本會職員表

十七年九月派定

周今覺 會長兼郵乘部主任

張棟邨 華文書記員兼會計員

葉頌蕃 英文書記員兼拍賣部登記員

李輝堂 拍賣部主任

朱世傑 交換部主任兼郵學月刊發行部主任

袁醴波 藏書部主任

陳復祥 郵票審查員

定閱郵學月刊者注意

凡定閱月刊者。無論會員非會員。凡收到報費後。即付與正式收據一紙。該收據編有號碼。蓋有會計處印章爲憑。如無此項正式收據。或其他非正式之收據。無會計處之印章者。概不爲憑。務祈注意爲荷。

本刊遍銷中國各省郵界且遠及日本如登廣告有極大效力

第一期遍贈新舊各會員如有遺漏請來信索取

廣告欄

增訂中國集郵圖譜預告通告 (限售百部)

本社自出版朱世傑君所編之華郵圖譜風行全球以來早蒙集郵界同聲贊許購者踴躍毋庸贅述茲本社鑒於新出華郵甚夥極應加入是譜故已商請朱君蒙已首肯計編定十全頁為(一組)此編非獨新出各票即海關萬壽初印以及明信片代封票等無不續增篇幅附註中西說明印有照相銅版俾可加入是譜以窺全豹期成全如已購過初版圖譜者更不可不備一組以資加入而臻完美也

增訂中國集郵圖譜每部定價洋五元預約期內減售洋三元

(郵費國外五角國內一角二分)

增編華郵十全頁(為一組)每組定價洋一元預約期內減售洋六角

(郵費在內)

新出華郵目錄每冊定價洋四角預約期內減售洋三角

(郵費在內)

活頁可加入圖譜內備用每打定價洋二角預約期內減售洋一角半

(郵費在內)

預約期限本年十二月卅日為止逾期仍照定價概不通融

出版本年十二月二十日
樣本說明書函索附郵十分

本社專收賣各種罕貴華郵兼西郵

集古社啓
上海北山西路德安里(郵箱四)
七街門牌第一四三號(四四號)

請用保護郵票袋

此袋為比國出品用特製紙造成凡新郵票裝入此袋可保護票面永遠新鮮如遇潮霉天氣可保護背膠無融化貼黏之虞且郵票裝入此袋貼入簿冊時所用膠水紙可毋須貼於郵票之背尺寸則大小齊備可從心所欲洵集郵家不可不備之良品也

注意

查此玻璃紙袋曾於五年前到過一批轉瞬即已售罄今英國 Merritt 亦有出售但每百枚須三先令外加寄費手續周折殊感不便敝友有鑒於斯特從比國帶來若干袋以貢獻於國人之集郵者

售價

每袋一百枚有四五種大小價大洋二元寄費在內掛號另加五分五袋之上九折計算指定尺寸揀購每百枚加價二成

上海經理處南門俞家弄十四號葉頌蕃